

Danje nan zòn kote n ap viv la

5- Plizyè danje ka frape fanmi ou. Tcheke danje sa yo nan lis sa a epi ajoute si gen lòt :


- | | | |
|---|---|----------------------------------|
| <input type="checkbox"/> Tranblemanntè | <input type="checkbox"/> Gwo lapli | <input type="checkbox"/> Radmare |
| <input type="checkbox"/> Siklòn | <input type="checkbox"/> Glisman teren | <input type="checkbox"/> Dife |
| <input type="checkbox"/> Inondasyon | <input type="checkbox"/> Deboulonnay tè | <input type="checkbox"/> Sechrès |
| <input type="checkbox"/> Gwo van | <input type="checkbox"/> Sounami | <input type="checkbox"/> Epidemi |
| <input type="checkbox"/> Lòt ankò si genyen : | | |

Mezi nan lokalite a pou jere ijans

6- Aprann siyal ki bay avètisman lè yon danje pral rive nan kominote kote ou ap viv la ak sa ou dwe fè lè ou tande yo.

Genyen plizyè mwayen yo ka atire atansyon moun lè pral gen yon danje oswa lè danje a rive, men yo varye soti nan yon kominote pou rive nan lòt. Chwazi mwayen ki genyen nan kominote ou a nan lis sa a epi ajoute si genyen lòt :

- | | | |
|---|------------------------------------|--------------------------------|
| <input type="checkbox"/> Radyo | <input type="checkbox"/> Telefòn | <input type="checkbox"/> Sirèn |
| <input type="checkbox"/> Televizyon | <input type="checkbox"/> SMS | <input type="checkbox"/> Mobil |
| <input type="checkbox"/> Pòtapòt | <input type="checkbox"/> Apèl wobo | <input type="checkbox"/> Pòtwa |
| <input type="checkbox"/> Entènèt | <input type="checkbox"/> Lanbi | <input type="checkbox"/> Klòch |
| <input type="checkbox"/> Lòt ankò si genyen : | | |



Gwo dlo ki nan zòn nan

7- Si genyen gwo dlo ki pase bò lakay ou, tankou flèv, larivyè, kannal, ravin, ekri yo la :

Kèk konsiy nou dwe konnen

8- Apre ou fin note ki kalite danje ki ka pi vit frape kominote kote ou ap viv la, chèche enfòmasyon sou fason pou ou menm ak fanmi ou prepare pou chak. Men kèk konsiy toujou :

- > Mete gwo mèb, ekipman, aparèy ak lòt bagay lou sou etajè ki pi ba yo ;
- > Depi fil kouran yo ta sanble an move eta, osnon ou ta santi gen flit nan gaz la, fè repare yo prese prese ;
- > Kwoke foto, ankadreman ak miwa lwen kabann nou ;
- > Retire tout vye veso ki ka kenbe dlo alantou kay la...

Enfòmasyon sou evakyasyon

9- Ou menm ak manm fanmi ou dwe konnen kilè pou nou deplase kite kay la, soti kote danje a menase sekirite nou, sante nou ak lavi nou. Tout moun dwe diskite epi antrene sou kijan evakyasyon an ap fèt : adrès kote nou prale a, ki wout n ap fè pou nou ale la, pa ki mwayen epi yon nimewo telefòn. Chwazi 2 kote nou ka ale :

Yon kote pre kay la si se yon dezaz bridsoukou, tankou dife :

- 1- _____
- 2- _____

Yon kote ki lwen katye a, sizoka ou pa ka retounen lakay ou :

- 1- _____
- 2- _____

Enfòmasyon pou evakyasyon

10- Ekri non, adrès ak yon nimewo telefònabri ki pi pre lakay ou :

Pwen rasanbleman/abri :

Adrès :

Telefòn :

11- Ekri kote n ap rankontre, si nou pa ansanm lè ijans lan :

Pwen rasanbleman/abri :

Adrès/wout pou ou fè :

Telefòn :

Toujou sonje, premyeabri ou se lakay ou. Se poutèt sa ou menm a fanmi ou dwe asire nou li konstwi yon jan ak kote pou nou pa mete lavi nou, ni lavi lòt moun an danje. Asire nou tou alavans, nou genyen kote pou nou mete bèt nou yo.

Chèche konnen si travay, lekòl ak lòt kote nou frekante genyen plan ijans, paske ou menm ak fanmi ou dwe konnen yo.

Prepare yon kit ijans

12- Prepare yon twous pwovizyon ak atik pou ijans (sonje ranplase manje ak dlo yo chak 6 mwa konsa) :

Sere dlo : konte 3 galon dlo pa jou pou chak moun. Yon galon dlo trete pou bwè ak dlo pou sèvi.

Manje ki p ap gate : sadin, ton, lòt pwason, mayi, pwa, sosis, janbon, pwason seche (tankou aran, lanmori...), ji, poudlèt, sik, diri, pwa, konfiti, manba, lwil, biskwit sèk, bonbon, sirèt....



- Manje espesyal pou timoun ak granmoun : manje tou kwit, lèt, sereyal...
- Atik espesyal pou tibebe, fanm ak granmoun : kouchèt an plastik (daypè), sevèt ijyenik...
- Rad ki byen sèch ak padsi.
- Atik twalèt : savon, pat, bwòsdan, deyodoran...



- Lòt atik enpòtan : kle (pou ouvri boutèy, mamit); recho ak gaz; asyèt katon, plastik ak aliminyòm; gode plastik ak aliminyòm; kiyè, napkin...
- Flach ak pil rezèv.
- Radyo ak revèy ki mache ak pil.
- Telefòn ki gen kat epi ki byen chaje.



- Alimèt (pa kite bwat la mouye).
- Tout papye enpòtan : batistè, ak maryaj, ekstrè, paspò, papyè tè, kanè bank, prèskripsyon medikaman... Mete yo yon kote ki asire pou pwoteje yo.
- Gwo sachè pou mete fatra. Ensèktisid.
- Siflèt pou si ou an danje.
- Doub kle kay ou ak doub kle machin ou, si ou genyen.
- Kit premye sekou : boul koton, twal gaz esteril, dlo oksijene, betadin, pomad antibyotik, pomad kotizòn 1%, gan , sizo...
- Medikaman : remèd pou doulè (analjezik), remèd pou lafyèv, siwo, grenn, sewòm oral, medikaman doktè preskri ou.
- Materyèl espesyal pou moun andikape ak granmoun ki ki gen difikilte pou mache : chèz woulant, beki, linèt, baton...

Plan ijans pou fanmi



N ap prepare n pou n pwoteje lavi n ak lavi fanmi n !



Chak fanmi dwe prepare li pou li kapab fè fas ak danje ki sou tèt li.

Toujou sonje, yon dezaz ka rive nenpòt lè, nenpòt kote. Se poutèt sa fanmi an dwe konnen :

1- ki risk genyen nan zòn kote l ap viv la ;

2- kisa pou li fè si l ap evakye ;

3- kote youn ap rankontre lòt si manm fanmi an pa ansanm ;

4- kijan pou prepare kit ijans li...



SEKRETARYA PÈMANAN
K AP JERE RISK AK DEZAS
KOMITE TEMATIK
EDIKASYON AK SANSIBILIZASYON
PUBLIK LA

